

www.BibleForChildren.org

ମାତ୍ତୀ 26



ଯୀଶୁସ୍
ପାଞ୍ଚାପରବ୍ଦି
ଛଦିନ୍ଦି ଆଇଲି
ବେଥାନିୟା ପାଡ଼ାଗେ
ବାର୍ତ୍ତାସ୍ । ଇ ପାଡ଼ାନ୍ତୁ
ଲାଜ୍‌ରୁସ୍ ରାଲିୟାସ୍, ଏକାସିନ୍ କା
ଯୀଶୁସ୍ କେଳକାସ୍ତି ଉଚ୍ଚତାଚ୍‌କାଚାସ୍ ।
ହତ୍‌କବାକେନ୍ ମାରିୟାମ୍ ଲାଗ୍‌ଭାଗ୍
ଆଧା ଲିଟର୍ ଜାଟାମାଂସିତି
ତିଆର୍ ମାନ୍‌ଚ୍‌କା ବହୁତ୍ ଦାମିକା
ଶୁଦ୍ ବାସ୍ନା ଇସୁଙ୍ଗ୍ ଅସ୍ତିକିରି ଯୀଶୁସ୍‌କି
ହେଡ୍‌ଡୁନ୍ ତୁଣ୍ଡିୟା, ଆରୁ ତାଘା ତୁଚ୍ଚିତି ଆସ୍‌କି
ହେଡ୍‌ଡୁବନ୍ ଚିର୍ଯ୍ୟାଦ୍ । ଆଲୋନ୍ ଆ ଇସୁଙ୍ଗ୍‌ଦି ବାସ୍ନାତି
ଏଡ୍‌ପାଦ୍ ମାହ୍‌କାରା କେରା ।



ଆଜ୍ଞିନ୍ ଯୀଶୁସ୍ କି ବାର ଲୋକ୍ ଚେଲାଜାମାର୍ସ୍ତି ଅରୁଡୁସ୍ ନେଖା ନାମେ
କା ଯୁଦାସ୍ ଇସ୍ କୋରିୟତୀ ରାଚା, ଆସ୍ ମୁଖ୍ୟା ପୁରୋହିତ୍ ଜାମାର୍ସ୍ତି
ଚାହାଗେ କେରାସ୍ ଆରୁ ଯୀଶୁସ୍ ଆବ୍ଡାର୍ଗେ
ସୌପାଗେ କାଡ଼ିଆ କାମ୍ଚାସ୍ । ଇ
କାଡ଼ିଆନ୍ ମେନିକିରି ଆବ୍ଡାର୍ ମୁରୁକ୍
ଶୁସୀ ମାନଚାର୍ କେରାର୍, ଆରୁ
ଆବ୍ଡାର୍ ଆସ୍ କେ ପାଏସା ଚିୟାଗେ
କାଡ଼ିଆ ଚିକାର୍; ଆରୁ
ଯୀଶୁସ୍ ଧାର୍ତାଗେ
ଯୁଦାସ୍ ମୋଡକା
ବେଦାଲିୟାସ୍ ।




ଆଜ୍ଞେନ୍ ଚେଲାର୍ ଯୀଶୁସ୍ କି ହୁକୁମ୍ ମାନିକିରି
ପାସ୍କାପରବ୍ ଘି ଭୋଜି ତିୟାର୍ କାମ୍ଚାର୍ ।
ଯେତକବାକେନ୍ ଆବ୍ଡ଼ାର୍ ମହାଁଲିୟାର୍ତା
ଯୀଶୁସ୍ ଆସ୍ମା ଅକାସ୍, ଆରୁ ଧାନପାବାଦ୍ ଘି ବିକ୍ତି
କାମିକିରି ଖୁଣ୍ଟିୟାସ୍, ଆରୁ ଚେଲାଜାମାର୍ଗେ
ଚିଇକିରି ଚେଙ୍ଗିୟାସ୍, “ଇବନ୍ ହୁଆ, ଆରୁ ମହାଁ;
ଇଦ୍ ଏଘାଏ ମେଦୁଦ୍ ।”



ଆନ୍ତ୍ରିନ୍ ଆସ୍ କାଟୋରା ହୋଇକିରି ଧାନପାବାଦ୍
ଚିକାସ୍, ଆରୁ ଆବ୍ଡାର୍ଗେ ଚିକିରି
ଡେ଼଼ିୟାସ୍, “ନିମ୍ ଜାମାର୍ ଇନ୍ଦୁନ୍ତ୍ରି ହାସ୍ତା,
ଏନ୍ଦେରଗେକା ଇଦ୍ ନିୟମ୍ଦି ଏଫାଏ ଆ
ହେଁସ୍ତ୍ରିଦ୍, ଏକାଦ୍ କା ଡେର୍ ଆଲାର୍ଗେ ପାପ୍
ଛେମା଼ି ଲାଗାନ୍ ବାହାବା କାଲିଦ୍ ।”



“ଶିମୋନ୍, ହେ ଶିମୋନ୍! ଏରା, ଗହମ୍ବନ୍ ଚାଲନ୍ତିନୁ ଚାଲାବାନା ଲେଖା
ଶାଏତାନ୍ଦ୍ ନିମାନ୍ ଚାଲାବାଗେ ଛୁଟି ହାକ୍କିଟି, ଲେକିନ୍ ଏନ୍ ନିଙ୍ଗାଗେ ବିକ୍ରି
କାମଚ୍ଚାଦାନ୍, ଏସ୍କେ କା ନିଘା ବିଶ୍ୱାସ୍ ମା ତୋଡ଼ରନାଦ୍;
ଯେଡ଼କବାକେନ୍ ନିନ୍ ବାନେ ପାବୁନୁ କିରରୟ୍ ବାରୟ୍, ତା ନିଘାଏ
ଭାଇଜାମାରିନ୍ ମଜ୍ବୁଡ଼ କାମୟ୍।” ପାତ୍ରାସ୍ ଯୀଶୁସିନ୍ ତେଙ୍ଗିୟାସ୍, “ହେ
ପ୍ରାଭୁ, ଏନ୍ ନିଷ୍ଟା ସାଙ୍ଗେ ଜେହେଲ୍ କାଲାଗେ, ଆରୁ ଖୁଆଗେହି ତିୟାର୍
ରାଦାନ୍।” ଆକ୍ତିନ୍ ଯୀଶୁସ୍
ତେଙ୍ଗିୟାସ୍, “ହେ ପାତ୍ରାସ୍,
ଏନ୍ ନିଙ୍ଗାନ୍ ତେଙ୍ଗାଲ୍ଦାନ୍
କା ଇନ୍ଦା ହେରୁ ଅହ୍ମନାଘି
ଆଘ୍ଲି ନିନ୍ ତିନ୍ ଥର୍
ଅସ୍ୱୀକାର୍ କାମୟ୍ କା
ନିନ୍ ଏଙ୍ଗାନ୍
ବାଲ୍ଦାଏ।”



ଆନ୍ତ୍ରିନ୍ ଯୀଶୁସ୍ ତାଙ୍ଗା ଚେଲାର୍ଗାନେ
ଗେଡ଼ଶେମାନୀ ନାମେଘି ଅଣ୍ଟା
ଆଡ଼୍ଟାଗେ ବାର୍ତ୍ତାସ୍ ଆରୁ ତାଙ୍ଗା
ଚେଲାଜାମାରିନ୍ ଡେଙ୍ଗିୟାସ୍,
“ଏନ୍ ଆସାନ୍ କାଈକିରି ବିକ୍ତି
କାମ୍ନାତକ୍ ନିମ୍ ଇସାନିନ୍
ଅଙ୍କାରାକେ ।” ଆରୁ ଆସ୍ ଡେଙ୍ଗିୟାସ୍,
“ହେ ବୁଆ, ହେ ବାଙ୍ଗ୍, ନିଫାଲାରାନ୍
ଜାମାଦ୍ ସମ୍ଭବଦ୍; ଇ ଦୁଃଖୁନ୍
ଏଫାସ୍ତି ହାଟାବାଟା: ହାଲେହି ଏଫା
ଇଈ ମାଲ୍ଲା, ଲେକିନ୍ ନିଫା ଇଈ ପୁରା
ମାନ୍ନାଦ୍ ।”



ହୁଦ୍‌ଘିଲ୍ଲାଗାନ୍ ଯୁଦାସ୍, ପଲ୍ଟନ୍‌ରଘି ଅଣ୍ଟା ଦଲ୍‌ବନ୍ ଆରୁ ଗୁଣ୍ୟା
ପୁରୋହିତ୍‌ଜାମାରିନ୍ ଆରୁ ଫାରିସୀ ଜାମାର୍‌ସ୍ତି ତାଏକା ଦାର୍‌ଖାନ୍
ଜାମାରିନ୍ ଅନ୍ଧିକିରି ଆସାନ୍ ବାର୍‌ଚାର୍। ଆବ୍‌ଡ଼ାର୍‌ସାନ୍ ବିଲ୍ଲୀ,
ମାସାଲ୍ ଆରୁ ହାଥୁଆର୍ ରାଚା। ଆରୁ ଆବ୍‌ଡ଼ାର୍‌ସ୍ତି ଅରତୁସ୍
ମାହାପୁରୋହିତ୍‌ସ୍ତି ଗୁଢିୟାସ୍ତି ତିନା ହେବ୍‌ଦାନ୍
ଛିନ୍‌ଚେଇଚାସ୍। ଲେକିନ୍ ଯୀଶୁସ୍
ତେଜ୍‌ୟାସ୍, “ରା ତିଆ, ଦେର୍ ମାନ୍‌ଚା।”
ଆରୁ ଯୀଶୁସ୍ ଆସ୍ତି ହେବ୍‌ଦାନ୍
ଏସ୍‌ରିକିରି ବାନେ କାମ୍‌ଚାସ୍।



ଆନ୍ତନ୍ ଯାଶୁସିନ୍ ହିଁଚାର୍ ଆରୁ ଆସିନ୍ ହୋଇକିରି, ମାହାପୁରୋହିତ୍ସକି
ମହଲ୍ନୁ ଆଶ୍ଵାଚାର୍ । ପାତ୍ରାସ୍ ଗେଛାନ୍ ରାଇକିରି ଆସକି ପାଞ୍ଜି-ପାଞ୍ଜି
କେରାସ୍; ଆରୁ ଆବ୍ଡାର୍ ଚାଲି
ମାଝାନ୍ ଚିଛୁ ଅଦିକିରି ଅନ୍ ଭାଉଁରି
ଅଙ୍କାଚାର୍, ତା ପାତ୍ରାସ୍ହି
ଆବ୍ଡାର୍ ଗାନେ ଅକ୍ଠିୟାସ୍ ।



ଆଜ୍ଞେନ୍ ମାହାପୁରୋହିତ୍ସକି
ଗୁଣିୟାରଘି ଭିତରନ୍ ଅରତୁସ୍,
ଆ ଆଲ୍ୟକି ଜାତି କୁରୁସ୍
ରାଚାସ୍ ଏକାସ୍କି ହେବଦାନ
କା ପାତ୍ରାସ୍ ଛିନ୍ତେଇ
ଚିତ୍କାଦାସ୍, ଆସ୍ ତେଜିୟାସ୍,
“ଏନ୍ ନିଜ୍ଞାନ ଯାଶୁସ୍ଗାନେ ଜାଇତୁନ୍
ମାନନ୍ତୁଘି ବାଟକିନ୍ତୁ ମାଲ୍ଲା ଏରନା କାଏ?”
ପାତ୍ରାସ୍ ଆରୁଅହନ୍ ମାନା କାମ୍ଚାସ୍,
ଆରୁ ହୁଜ୍ଞେନିନ୍ ହେରୁଦ୍ ଅହ୍ମିୟା ।
ଆରୁ ଆସ୍ ବାହ୍ରି ଉରୁଖିକିରି ନିହ୍ତାରା-ନିହ୍ତାରା
ଅହ୍ମାଗେ ଲାଶ୍ମିୟାସ୍ ।




ଆଜ୍ଞିନ୍ ସାଭାନ୍ତା ଜାମା ଆଲାର୍ ଉତ୍ସକାରାଚାର୍
ଆରୁ ଯୀଶୁସିନ୍ ପିଲାତୁସ୍ କି ଚାହାଗେ ଅଇାର୍ ।
ପିଲାତୁସ୍ ଯୀଶୁସିନ୍ ମେନ୍ ଚାସ୍, “ନିନ୍ ଯାହୁଦୀ
ଜାମାର୍ ଘି ରାଜାଏ କାଏ?” ଯୀଶୁସ୍ ଆସିନ୍ ଯାବାବ୍
ଚିକାସ୍, “ନିମ୍ ଏନ୍ତେ ଡେଙ୍ଗାଲ୍ ଦାର୍ ।”
ଲେକିନ୍ ପିଲାତୁସ୍ ଯୀଶୁସିନ୍
ଆମ୍ବାଚାଗେ ବେଦାଲିୟାସ୍
ହୁଦ୍ ଘିଲାଗାନ୍ ଆଲାର୍ ଇନ୍ ଆରୁଅହନ୍
ବୁଝାବାଗେ ଲାଶ୍ଟିୟାସ୍, ଲେକିନ୍

ଆବ୍ ଡାର୍ ଜୋର୍ସେ ଚିର୍ରାରାଗେ
ଲାଶ୍ଟିୟାର୍, “ଇସିନ୍ କ୍ ରୁଶ୍ ନୁ ଠୋକା,
ଇସିନ୍ କ୍ ରୁଶ୍ ନୁ ଠୋକା!”




ଆଜ୍ଞେନ୍ ପିଲାତୁସ୍ ଯୀଶୁସିନ୍ କ୍ରୁଶ୍ଚୁ ଠୋକାଗେ
ଆବ୍ଡାର୍ଦ୍ଦି ହେଖ୍ଚୁ ସୌପେଇ ଚିତ୍ତାସ୍ । ଆଜ୍ଞିନ୍
ସିପାହୀଜାମାର୍ ଯୀଶୁସିନ୍ ତାହ୍ନା କାବ୍ଜାନ୍ ଅଚାର୍
କେରାର୍, ଆରୁ ଯୀଶୁସ୍ ତାଦ୍ଦାଏ କ୍ରୁଶ୍ ଚେଡ଼ିକିରି
ଅଣ୍ଟା ଆଡ଼ାଗେ କେରାସ୍, “ଆ ଆଡ଼ାଘି ନାମେ”
ଖୋପ୍ଡ଼ିଘି ଆଡ଼ା ରାଗା । ଆରୁ ଇବ୍ରାନୀ ଭାଷାନ୍ ଆ
ଆଡ଼ାନ୍ “ଗୋଲ୍ଗାଥା” ବାଲିୟାର୍ ।



ଆସାନ୍ ଆବ୍ଦ୍ଧାର ଯୀଶୁସ୍ନାନ୍ନେ ଆରୁ ଦୁଇ
ଲୋକ୍ ଆଲାରିନ୍ କରୁଣ୍ଡୁ ଠୋକ୍ଚାର୍ ଆରୁ
ଆସାନ୍ ଅଣ୍ଠାସିନ୍ ଇ ପାଖା ଆରୁ-ଆରୁ
ଅଣ୍ଠାସିନ୍ ହାପାଖା, ଆରୁ ମାଝାନ୍
ଯୀଶୁସିନ୍ ଠୋକ୍ଚାର୍ ।



ହତକବାକେନ୍ ବିଡ଼ିଦ୍ ବିଲ୍ଲୀ ଚିନା ବନ୍ଧୁ କାମ୍‌ଚେଇଚା, ଆରୁ ମନ୍ଦିରତା
ପାରଦାଦ୍ ମାଝାନ୍ତି ଏଟ୍‌ରିକିରି ଦୁଇ ଭାଗ୍ ମାନଚାକେରା, ଆରୁ ଯୀଶୁସ୍
ଜୋରସେ ଚିରୁରା ରାଈକିରି ତେଙ୍ଗିୟାସ୍,
“ହେ ବାଙ୍ଗ୍, ଏନ୍ ଏଫା ଆମ୍ବାନ୍ ନିଫା
ହେଶ୍ଚୁନ୍ନୁ ସୋଁପାଚାଲ୍‌ଦାନ୍ ।” ଆରୁ
ଏତକ ତେଙ୍ଗିକିରି ଯୀଶୁସ୍‌କି
ଜୀଆଦ୍ ଉରୁଣ୍‌ଆ କେରା ।




ହାରାମାଧୁୟା ପାଡ଼ାକୁ ଯୋଷେଫ୍ ନାମେଘି ଅଣ୍ଟା
ଆଲାସ୍ ରାଚାସ୍, ଆସ୍ ଯାହୁଦୀ ଜାମାରୁଘି
ସାଭାନ୍ତା ଅଣ୍ଟା ସଦସ୍ୟ ରାଚାସ୍। ଆସ୍
ନିଜେ ପାରମେଶ୍ଵାରସ୍‌କି ରାଜୀଘି
ଆଶ୍ରା ଏରାଲିୟାସ୍, ଆସ୍
ସାହସ୍ ଧାରିକିରି ପିଲାତୁସ୍‌କି
ଚାହାଗେ କେରାସ୍ ଆରୁ
ଆସିନ୍ ଯୀଶୁସ୍‌କି
ମାଁଶାନ୍ ନିଚାସ୍।

ଯୋଷେଫ୍‌ସ୍ ଅଣ୍ଟା
ଛିଟ୍‌ଟିଡ଼ା ହେଜିକିରି ଅନ୍ତାସ୍,
ଆରୁ ଯୀଶୁସିନ୍ କରୁଣ୍ଡି
ଏଭାଚାସ୍ ଆରୁ ଆ ଚିଡ଼ାଟି
ଆସିନ୍ ଗୁଡ଼ିୟାଚାସ୍, ଆରୁ
ପାର୍ତ୍ତାନ୍ ଖୋଲ୍‌କା ଅଣ୍ଟା
ମାସ୍‌ଶାନ୍ ଆସିନ୍ ଉଇଏଚାସ୍,
ଆରୁ ମାସ୍‌ଶାଘି ଘୁମାନ୍ ଅଣ୍ଟା
ଚାଁଚା ହୁଲେଇଚିକାସ୍।



ନାନ୍‌ରୁ ଉଲ୍ଲା ଏକାଦ୍‌ କା ପାବିତାର୍‌ ଉଲ୍ଲା ରାଚା,
ମୁଖ୍ୟା ପୁରୋହିତ୍‌ର ଆରୁ ଫାରିସୀଜାମାର୍‌
ପିଲାତୁସ୍‌କି ଚାହାନ୍‌ରୁ ଦୁଢ଼ିୟା
ରାଉକିରି ତେଜିୟାର୍‌, “ହେ
ମାହାରାଜ୍‌, ଏହ୍ମାଏ ମନେ ରାଉ
କା ଆ ଠାକୁଖା ଆଲାସ୍‌
ଯେତ୍‌କବାକେନ୍‌
ଉଜ୍ଜାଲିୟାସ୍‌ ତା,
ତେଜାଚାସ୍‌ କା, ‘ଏନ୍‌
ତ୍‌ରିନ୍‌
ଦିନ୍‌ରୁ ଉଜ୍ଜନ୍‌ ।”




ଆଜ୍ଞିନ୍ ଆବ୍ଢ଼ାର୍ ଜାଗୁଝାର୍ଗାନେ
କାଈକିରି, ଆରୁ ଚାଁଚାନୁ ମହଁର୍
ଲୀଗାବାଈକିରି ମାସ୍ଣାନ୍
ଜାଗ୍ଠାର୍ ।



ପାବିତାର ଉଲ୍ଲାସି ପାଞ୍ଜି, ହାସ୍ତାସି ପହ୍ଲେ ଉଲ୍ଲା
ଭୋର ପାଞ୍ଜିନ୍ ମାରିୟାନ୍ ମାଗ୍‌ଦାଲୀନୀ
ଆରୁ ଦୁସ୍‌ରା ମାରିୟାନ୍ ମାସ୍‌ଣାବନ୍
ଏରାଗେ ବାର୍‌ଚାର୍ ।



ଆରୁ ଏରା, ଅଣ୍ଟା ବାଢ଼କା ଭୁଇଁତୋଲ୍ ମାନଟା,
ଏନ୍ଦେରଗେକା ପ୍ରାଭୁସ୍ତି ଅଣ୍ଟା ଦୁଁଡ଼ ସରଗ୍ତି
ଏଭିୟା ଆରୁ ଚାହା ବାରିକିରି ଆଦ୍ ଆ
ଚାଁଚାନ୍ ପାଶୁୟାଚା, ଆରୁ ଆଦ୍‌ଘି
ମିଆଁ ଅଙ୍କିୟା । ଆଦ୍‌ଘି
ଏଲ୍‌ଚକାତି ଜାଗୁଧାର୍
ଆରୁଆରାରକେରାର୍,
ଆରୁ କେଜକାଘି ସାମାନ୍
ମାନଟାର୍ କେରାର୍ ।



ଲେକିନ୍ ସରଗ୍‌ହୁଡ଼ ମାଏକିନିଆଁରିନ୍ ଡେଙ୍ଗିୟା,
“ଆମା ଏଲ୍‌ଟା, ଏନ୍ ଆହାଲେନ୍ କା ନିମ୍
କ୍‌ରୁଶ୍‌ନ୍ ୦୦କ୍‌ଚ୍‌କା ଯୀଶୁସିନ୍
ବେଙ୍ଗାଲ୍‌ଦାର୍‌। ଆସ୍‌ ଇସାନ୍
ମାଲ୍‌କାସିନ୍, ଲେକିନ୍ ଡାଫା
ବଚନ୍‌ଘି ଲେଖା
ଉଚ୍ଛକାଦାସ୍‌।”



“ବାରା, ଇ ଆଙ୍ଗାନ୍ ଏରା, ଏକାସାନ୍ କା ପ୍ରାଭୁସିନ୍
ଉଇକାଟାର୍, ଆରୁ ଚାଁଣେ କାଲା ତାଫା
ଚେଲାରିନ୍ ତେଙ୍ଗା କା ଆସ୍
କେଟକାର୍ସ୍ତି ଉଚ୍ଚକାଦାସ୍, ଆରୁ
ସୀଶୁସ୍ ନିହ୍ନାସ୍ତି ଆୟ୍ଲି
ଗାଲିଲୀରେ କାଲ୍ଦାସ୍,
ଆସାନ୍ ଆସ୍ତି ଦର୍ଶନ୍
ହାଶ୍ଟର୍! ଏରା, ଏନ୍

ନିମାନ୍ ତେଙ୍ଗେଇନ୍ତାନ୍ ।”



ଆଜ୍ଞେନ୍ ଆବଡ଼ା ମାଏକିନିଆଁର ଏଲ୍‌ଚକା ଆରୁ ମୁରୁକ୍
ରୀଜ୍‌ଜୁତି ମାସ୍‌ଶାସ୍‌ତି ଚାଁଶେନ୍ କିରୁକିରି ତାଘା
ଚେଲାରିନ୍ ଖବରୁ ଚିୟାଗେ କୁଦିୟାରାଚାରୁ ।
ଆକ୍ତିନ୍ ଯୀଶୁସ୍ ଆବଡ଼ାରିନ୍ ଭେର୍ ମାନଚାସ୍
ଆରୁ ଚେଙ୍ଗିୟାସ୍, “ନିମାଗେ ଶାକ୍ତି ମାନ୍ଦାସ୍” ।
ଆଜ୍ଞେନ୍ ଆବଡ଼ାରୁ ଚାହା ବାରିକିରି
ଆସ୍‌କି ହେଡ଼ୁବନ୍ ଏସ୍‌ରିକିରି ଆସିନ୍



ଯୋହାର କାମ୍‌ଚାରୁ ।



ଇଦ୍‌ଘି ପାଞ୍ଜିଲି ଏଗାର ଲୋକ୍ ଚେଲାର୍, ଅନାଗେ ଅଙ୍କାଚାର୍ ବାକେନ୍ ଆସ୍
ଆବ୍‌ଡାର୍‌ଗେ ଦର୍ଶନ୍ ଚିଢାସ୍, ଆରୁ ଆବ୍‌ଡାର୍‌ଘି ଅବିଶ୍ଵାସ୍ ଆରୁ ମନ୍‌ଘି
କାଠୋର୍‌ବନ୍ ଏରିକିରି ଧାମ୍‌କାଚାସ୍, ଏହେର୍‌ଗେକା ଏକାର୍ ଯୀଶୁସିନ୍
ଉଚ୍ଛକା ପାଞ୍ଜିଲି ଏର୍କାଚାର୍, ଆବ୍‌ଡାର୍‌ଘି କାଡ୍‌ଥାନ୍ ଚେଲାଜାମାର୍ ବିଶ୍ଵାସ୍
ମା କାମ୍‌ଚାର୍ । ଏହେନ୍ ପ୍ରାଭୁ ଯୀଶୁସ୍ ତାଙ୍ଘାଏ ଚେଲାଜାମାର୍‌ଗାନେ
କାଚ୍‌ନେଖ୍‌ର୍କାଘି ପାଞ୍ଜିଲି ସରଗ୍ ତାରା ହୁଆକେରାସ୍, ଆରୁ
ପାର୍‌ମେଶ୍ଵାର୍‌ସ୍‌କି ତିନାପାଖା ଅକ୍ଢିୟାସ୍ ।



ଏନ୍ଦ୍ରେଗେକା ପାରମେଶ୍ଵାର୍ଯ୍ୟ ଦୁନିଆଁନ୍ତା ଆଲାରିନ୍
ଏଡକ ବାନେ ହାଶ୍ଵାୟାୟ କା, ଆୟ ଡାଫାଏ ଅଶ୍ଵା ଖାଲି
ହାଦୁସିନ୍ ଚିଢାୟ ଲାଶ୍ଵିୟାୟ, ଡାକା ଏକାୟ ଆୟକି
ମିଆଁ ବିଶ୍ଵାୟ କାମ୍ଦାୟ, ଆୟ ଆମ୍ବିକ୍ ରୁପ୍ତି
ନାଶ୍ ମା ମାନ୍ଦାୟ, ବରନ୍ ସବୁଦିନ୍ତା
ଜୀବନ୍ ହାଶ୍ଵାୟାୟ।



ରୋମୀ 3:23

ଏହେତୁ ଯେକା ଯାହୁଦୀ ତାହେ ବିନାୟାହୁଦୀଜାମାର ପାପ୍ କାମ୍‌ଚକାନାଏ । ଆରୁ ପାରମେଶ୍ଵାର୍‌ସ୍ତଗାନେ ଏକା ମାହିମା ପହ୍‌ଲେ ରାଚା ଆଦ୍ ଆକ୍‌କୁନ୍ ଆବ୍‌ଡାର୍‌ ଗାନେ ମାଲ୍ଲାଦିନ୍ ।

ରୋମୀ 6:23

ଅଣ୍ଟା ଆଲ୍ଲାସ୍ ମେହ୍‌ନତ୍ କାମସ୍‌ତା ମଜ୍‌ରୀ ହାଶ୍ଵସ୍ । ହନ୍ଦେନ୍ ଏକାସ୍ ପାପ୍ କାମ୍‌ତେ ରସ୍‌ତା ଆଦ୍‌ଘି ମଜ୍‌ରୀ ସବୁଦିନ୍‌ତା ମରନ୍‌ଦ୍, ଲେକିନ୍ ପାରମେଶ୍ଵାର୍‌ସ୍‌ତି ଏକାନ୍ ହାକ୍‌କାଦାସ୍ ଆଦ୍ ସବୁଦିନ୍‌ତା ଜୀବନ୍ । ଆରୁ ଇଦ୍ ନାହ୍‌କାଏ ପ୍ରାଭୁ ଯୀଶୁ ଖ୍ରୀଷ୍ଟ୍‌ସ୍‌କି ଦ୍ଵାରନ୍ ମାମାଗେ ସବୁଦିନ୍‌ତା ଜୀବନ୍ ହାଶ୍ଵର୍କିତି ।

ଇବ୍ରୀଜୀ 9:27

ଏସ୍‌କେ କା ଅହନ୍ ଖାଲି ଖୁନା ଆରୁ ଆଦ୍‌ଘି ପାଞ୍ଜିଲି ନ୍ୟାୟବନ୍ ସାମ୍‌ନା କାମ୍‌ନା ଆଲ୍ଲାର୍‌ଘି ଲାଗାନ୍ ଠାହ୍‌ରା କେର୍କିତି ।



ଇଫିସି 2:8,9

ପାରମେଶ୍ଵାର୍ଯ୍ୟ ନିମାନ୍ ବାଛାବାଟାସ୍, ଏହେରଗେକା ଆସ୍ ଦାୟାଲୁସ୍ । ଆରୁ
ନିମ୍ ଆସ୍କି ମିଆଁ ବିଶ୍ଵାସ୍ କାମ୍ବକାର୍ । ନିହ୍ନା ବାନେ ନାଲ୍ଖୁଘି ଲାଗାନ୍
ପାରମେଶ୍ଵାର୍ଯ୍ୟ ନିମାନ୍ ମାଲ୍ଲା ବାଛାବୁସ୍, ଇଦ୍ ପାରମେଶ୍ଵାର୍ଯ୍ୟକି ବାର୍ଦାନ୍ଦ୍ ।
ଇଦ୍ ନାହ୍ନା ବାନେ ନାଲ୍ଖୁଘି ଫଲ୍ ମାଲ୍ଲିଦ୍, ହୁଦ୍ଘିଲାଗାନ୍ ନାମ୍ ବଡ୍ଘଣି ଏଦ୍ଵରା
ପଲ୍ଲଦାତିନ୍ ।

ରୋମୀ 10:9,10

ଆରୁ ଯଦି ନିମ୍ ଯୀଶୁସିନ୍ ପ୍ରାଭୁସ୍ ବୁଲି ମାନର୍, ଆରୁ ପୁରା ମନ୍ତି ବିଶ୍ଵାସ୍
କାମ୍ଦାର୍ କା, ପାରମେଶ୍ଵାର୍ଯ୍ୟ ଆସିନ୍ କେଜକାସ୍ତି ଉଜ୍ଜତାଟାସ୍ତା, ନିମ୍
ଏସ୍କିନ୍ହି ପାପ୍ଘି ଦଶ୍ଡତି ବାଛ୍ଵରର୍ ।
ଏହେରଗେକା ଯଦି ଅଣ୍ଟା ଆଲାସ୍ ପୁରା ମନ୍ତି ବିଶ୍ଵାସ୍ କାମ୍ଦାସ୍ ତା ଆସ୍
ପାରମେଶ୍ଵାର୍ଯ୍ୟକି ନଜରନ୍ ନିର୍ଦ୍ଦୋଷ୍ ମାନ୍ଦାସ୍, ଆରୁ ଥୁମ୍ଣାତି ସ୍ଵୀକାର୍
କାମ୍ଦାସ୍ ତା ଆସ୍ ପାପ୍ଘି ଦଶ୍ଡତି ବାଛ୍ଵରଦାସ୍ ।



ଯୋହାନ୍ 3:16,17

ଏହେରଗେକା ପାରମେଶ୍ଵାର୍ଯ୍ୟ ଦୁନିଆଁନ୍ତା ଆଲାରିନ୍ ଏଡକ ବାନ୍ନେ ହାଶ୍ଵାୟାୟ
କା, ଆସ୍ ତାଫାଏ ଅଶ୍ଵା ଖାଲି ହାଜୁସିନ୍ ଚିତ୍ତାୟ ଲାଶ୍ଵାୟ, ତାକା ଏକାୟ ଆସ୍କି
ମିଆଁ ବିଶ୍ଵାୟ କାମଦାୟ, ଆସ୍ ଆମ୍ବିକ୍ ରୁପ୍ତି ନାଶ୍ ମା ମାନଦାୟ, ବରନ୍
ସବୁଦିନ୍ତା ଜୀବନ୍ ହାଶ୍ଵାୟ।

ଏହେରଗେକା ଦୁନିଆଁନ୍ତା ଆଲାରିନ୍ ଦୋଷୀ ଠାହ୍‌ରାଗେ ପାରମେଶ୍ଵାର୍ଯ୍ୟ ତାଫା
ହାଜୁସିନ୍ ଦୁନିଆଁନ୍ତା ମାଲ୍ଲା ତାଲ୍ଲୟ, ଦୁନିଆଁନ୍ତା ଆଲାର୍ ଆସ୍କି ହାରନ୍ତୁ ପାପ୍ତି
ବାହ୍‌ରାଗେ ଆସିନ୍ ତାଏକାଦାୟ।

1 ଯୋହାନ୍ 5:11-13

ଆରୁ ଆ ସାକ୍ଷୀ ଇଦ୍ କା ପାରମେଶ୍ଵାର୍ଯ୍ୟ ନାମାଗେ ସବୁଦିନ୍ତା ଜୀବନ୍
ଚିତ୍‌କାଦାୟ, ଆରୁ ଇ ଜୀବନ୍ ତାଫା ହାଜୁସ୍‌କିନ୍ତୁ ହାଶ୍ଵାରିଦ୍ ।
ନେଖାସାନ୍ ହାଜୁସ୍ ରାଦାୟ, ଆସ୍‌ସାନ୍ ଜୀବନ୍ ରାଈ; ଆରୁ ନେଖାସାନ୍
ପାରମେଶ୍ଵାର୍ଯ୍ୟକି ହାଜୁସ୍ ମାଲ୍ଲକାସିନ୍, ଆସ୍‌ସାନ୍ ଜୀବନ୍‌ହି ମାଲ୍ଲଦିନ୍ ।
ପାରମେଶ୍ଵାର୍ଯ୍ୟକି ହାଜୁସ୍‌କି ନାମେନ୍ତୁ ବିଶ୍ଵାୟ କାମନା ବାଲାରେ, ଏନ୍ ନିମାଗେ
ଇଦ୍‌ଘିଲାଗାନ୍ ଲେଖାଲ୍‌ଦାନ୍ କା ନିମ୍ ଆହା କା ସବୁଦିନ୍ତା
ଜୀବନ୍ ନିଶ୍ଚାସାନ୍ ରାଈଦ୍ ।



ମାତ୍ତୀ 26-28; ଲୁକାସ୍ 22-24; ଯୋହାନ୍ 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kisan NT (xis) © (Active) Wycliffe Bible
Translators, Inc. All rights reserved.

<https://www.bible.com/bible/3191/MAT.1>

©2025 Bible for Children, Inc.

www.M1914.org

www.bibleforchildren.org

